

旧馆升呢 同新展嚟个约会

坐落係白云山下、麓湖边嘅广州艺术博物馆旧馆，最近正式更名为“广州人民艺术中心”，重新开门迎客啦！新馆有新show，馆内整体布局保留原有装修风格，唔少展厅都升呢翻新，几大主题嘅新展吸引咗慕名而来嘅客人。

郭玮/文 饶禧/图

各有天地

艺术中心嘅新展中，唔少係经典嘅大师书画作品，与传统的非遗手艺。书法展厅内散发住墨香，苍劲有力、温文儒雅嘅作品各有千秋，临摹诗词歌赋、挥毫心中感慨，各式书法令读者气定神闲。油画作品栩栩如生，隔住画作似乎可以读到作者嘅内心故事，偶尔仲会感同身受。非遗精品展示同样吸睛，精致嘅醒狮头、细琢的榄核雕、充满祝福寓意嘅公鸡模型……令人不禁惊叹：高手在民间。在“文艺两新人才作品展”中，就有好多新派嘅作品俾到你惊喜，赛博朋克扒龙船、青花瓷广州塔、AI西关小姐等等。新派嘅、传统的艺术，在艺术中心里各有天地。



环环相扣

一直係“网红”嘅圆柱形镂空天井依然保留，继续成为游客打卡嘅“景点”之一。环环相扣嘅圆圈，贯穿展馆一至三层，从上往下俯瞰，会被佢对称嘅美感震撼到。一层嘅位置仲有最佳摆设位置标记，方便大家影出最perfect嘅靚照。馆内仲有好几个圆形嘅楼梯天井同门框雕花，从不同嘅角度拍摄，可以影出唔同嘅艺术感。新设嘅圆形图书角，有各种书籍可以借阅，得闲嘅时候不妨静静坐落睇级数，拣翻一本心仪嘅书细品文字。展馆内设置咗一个新嘅区域，用于展示魔术道具，半圆弧形嘅空间，同投射係墙壁上嘅星光点点镭射灯，科幻感拉满。



记者证换证公示

根据《国家新闻出版署关于开展2024年第七版新闻记者证全国统一换发工作的通知》《新闻记者证管理办法》要求，对下列人员记者证的换证进行公示。公示时间从2024年10月18日起至10月31日止，若下列人员换证材料失实，请电话或书面向广东可乐生活报社有限公司或广东省新闻出版局反映。反映情况需自报或签署真实姓名，不报或不签署真实姓名的，一律不予受理。受理电话：020-87133542。

拟换发新闻记者证人员名单如下：
曾敏妍、郭玮、秦丽莹

广东可乐生活报社有限公司
2024年10月18日

Color tips

“广州人民艺术中心”需要通过官方小程序提前1天预约，团队参观提前3天预约。展馆逢周一休馆，周二至周日营业时间为9:00—17:00（16:30停止入场）。

可可爱爱

讲到最受年青一代观众欢迎嘅，当然係JC动漫馆里面嘅中外动漫艺术展。《名侦探柯南》《美少女战士》《蜡笔小新》等经典嘅漫画剧照、画报组合展示；龙珠悟空嘅摆拍场景、老夫子漫画空间、哆啦A梦楼梯……有各种卡通模型同你互动合影，都是后生仔女最爱嘅打卡位；绘绘长廊有手绘卡通人物，细心啲一定可以搵到自己嘅最爱。葫芦兄弟、黑猫警长等经典国漫，睇呢度都有专属嘅展区，可以回味童年，亦可寻觅到新惊喜，见过这些可可爱爱嘅动漫IP，一切烦恼都被治愈啦。